

Հաշվետվություն

2019 թվականի փետրվարի 26-ից մարտի 1-ը Շվեյցարիայի Համադաշնություն (Ժնև)
կատարած գործուղման արդյունքների մասին

1. Անունը, ազգանունը.

Սարհատ Պետրոսյան

2. Զբաղեցրած պաշտոնը.

ՀՀ անշարժ գույքի կադաստրի կոմիտեի ղեկավար

3. Գործուղման վայրը և ժամկետները.

Շվեյցարիայի Համադաշնություն, Ժնև, 2019 թ. փետրվարի 26-ից մարտի 1-ը

4. Հրավիրող կողմը.

ՄԱԿ-ի Եվրոպական տնտեսական հանձնաժողովի բնակարանային և հողային կառավարման կոմիտեի հողերի (հողային ռեսուրսների) կառավարման աշխատանքային խումբ

5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

Մասնակցություն ՄԱԿ-ի Եվրոպական տնտեսական հանձնաժողովի հողային ռեսուրսների կառավարման աշխատանքային խմբի 11-րդ նիստին, որը տեղի է ունենում երկու տարին մեկ:

6. Քննարկված թեմաները.

Քննարկվեցին գլխավոր համաժողովի օրակարգով նախատեսված հետևյալ հարցերը.

- Հողային ռեսուրսների կառավարման մարտահրավերները 2030 թ. կայուն զարգացման նպատակների (Sustainable Development Goals) և Նոր քաղաքային օրակարգի (New Urban Agenda) համատեքստում,
- Հողերի կառավարման փոխակերպումը և հնարավոր զարգացումները,
- Հողային ռեսուրսների վրա ազդեցություն ունեցող միտումները, ինչպիսիք են նոր գործարարական էկոհամակարգերը, նորարարական տեխնոլոգիաները, թվային մշակույթը,
- Հողերի կոնսուլիդացումը Եվրոպայում և դրանց իրավական շրջանակը,
- 2020-2021 թվականների աշխատանքային ծրագրի ներկայացում,

- Համագործակցություն անշարժ գույքի շուկայի խորհրդատվական խմբի հետ,
- Կարողությունների զարգացում և միջազգային փորձի փոխանակում:

7. Հանդիպումներ, ելույթներ, բարձրացված կամ քննարկված հարցեր.

Նիստի շրջանակում հանդես եմ եկել ելույթով՝ բլոկչեյն տեխնոլոգիաների վերաբերյալ, որոնք կարող են էականորեն փոխել համակարգերի հուսալիությունը և հավաստիությունը:

Հանդիպումներ են տեղի ունեցել Նորվեգիայի քարտեզագրության գործակալության (Kartverket), Բելառուսի, ինչպես նաև ՄԱԿ-ի Եվրոպական տնտեսական հանձնաժողովի քննարկարանային և հողային կառավարման կոմիտեի ներկայացուցիչների հետ: Երկկողմ հանդիպումներ ու քննարկումներ եմ ունեցել՝

- Նիդեռլանդների կադաստրի, հողերի գրանցման և քարտեզագրության գործակալության տնօրեն Քիս դե Ջյուի հետ քննարկվել է ՀՀ անշարժ գույքի կադաստրի կոմիտեի արխիվների թվայնացման համատեղ նախագծի իրականացման հարցը,
- Վրաստանի արդարադատության նախարարության հանրային ռեգիստրի ազգային գործակալության ներկայացուցիչ Մարի Խարջիանիի հետ քննարկվել է առաջիկայում փորձի փոխանակման նպատակով Վրաստան այց կազմակերպելու հարցը:

Երկօրյա միջոցառման ընթացքում հաստատվել են աշխատանքային նոր կապեր, նախանշվել են երկկողմ և բազմակողմ համագործակցության նոր հնարավորություններ:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

Նիստի շրջանակում կայացել են Հողերի (հողային ռեսուրսների) կառավարման աշխատանքային խմբի բյուրոյի ընտրություններ, ինչի արդյունքում ընտրվել է բյուրոյի նոր կազմ:

Հաստատվել է 2020-2021 թվականների համար աշխատանքային ծրագիրը:

Պայմանավորվածություն է ձեռք բերվել հաջորդ նիստն անցկացնել 2021 թվականի գարնանը:

9. Առաջարկությունները, դրանց ընթացք տալու վերաբերյալ առաջարկները.

Իր առջև դրված նպատակներն իրագործելու համար Հողերի (հողային ռեսուրսների) կառավարման աշխատանքային խումբը կկազմակերպի 4 աշխատաժողով, որոնք ուղղված կլինեն Եվրոպական տնտեսական հանձնաժողովի տարածաշրջանում գիտելիքների և փորձի փոխանակմանը, սերտորեն կհամագործակցի անշարժ գույքի շուկայի խորհրդատվական խմբի հետ, կոնֆերանսների և սեմինարների միջոցով անդամ երկրներին կտրամադրի անհրաժեշտ խորհրդատվություն հողերի կառավարման վերաբերյալ:

Անդամ երկրների կառավարությունների նախաձեռնությամբ կիրականացվի տվյալ երկրի հողային ռեսուրսների կառավարման համակարգի գնահատում, և կտրամադրվեն այն բարելավելու ուղեցույցներ: Համակարգի գնահատումը կներառի նաև խնդրահարույց

հարցերի վերաբերյալ վերլուծությունների իրականացումը և հրապարակումը, որը կնպաստի ավելի թիրախավորված և արդյունավետ քաղաքականության վարմանը:

Հաշվի առնելով վերոգրյալը՝ առաջարկվում է ակտիվ մասնակցել ՄԱԿ-ի Եվրոպական տնտեսական հանձնաժողովի Հողերի (հողային ռեսուրսների) կառավարման աշխատանքային խմբի 2020-2021 թվականների համար նախանշված գործունեությանը:

10. Ստորագրությունը, ամսաթիվը:

Սարհատ Պետրոսյան



04.03.2019 թ.